

VENDIM
Nr. 41, datë 16.10.2015

**PËR SHPËRNDARJEN E FONDIT PËR ARSIMIN, PJESË E FONDIT PËR
ZHVILLIMIN E RAJONEVE, SI DHE PËR DISA NDRYSHIME NË VENDIMIN E
KOMITETIT PËR ZHVILLIMIN E RAJONEVE NR. 11, DATË 25.2.2015**

Në mbështetje të nenit 100 të Kushtetutës dhe të nenit 15 e të aneksit 3, të ligjit nr. 160, datë 27.11.2014, "Për buxhetin e vitit 2015", të ndryshuar, Komiteti për Zhvillimin e Rajoneve

VENDOSI:

1. Shpërndarjen e fondeve për projekte të programit të arsimit, pjesë e Fondit për Zhvillimin e Rajoneve për vitin 2015, sipas tabelës 1, bashkëlidhur këtij vendimi.

2. Autoritetet kontraktuese, për projektet sipas pikës 1, të këtij vendimi, brenda një jave nga data e publikimit të tij në Fletoren Zyrtare, duhet të paraqesin pranë sekretariatit teknik për programin e arsimit, në Ministrinë e Arsimit dhe Sportit, kalendarin me të gjitha afatet e parashikuara për fazat e prokurimit publik dhe zbatimit të punimeve të ndërtimit e të përdorimit të fondeve dhe emrin e personit përgjegjës për ndjekjen e zbatimit të punimeve.

3. Autoritetet kontraktuese, për projektet sipas pikës 1, të këtij vendimi, duhet të kryejnë procedurat e prokurimit publik dhe të lidhjes së kontratës përkatëse për zbatimin e punimeve të ndërtimit deri në fillim të muajit dhjetor, të vitit 2015. Për fondet e projekteve të paprokuruar sipas këtij afati, Komiteti për Zhvillimin e Rajoneve ka të drejtën për të rishqyrtuar financimin dhe për të rishpërndarë fondet e këtij financimi për një projekt tjetër.

4. Ngarkohet sekretariati teknik, në Ministrinë e Arsimit dhe Sportit, të bëjë monitorimin dhe raportimin e ecurisë së zbatimit të projekteve pranë Sekretariatit të Përgjithshëm të Komitetit për Zhvillimin e Rajoneve, në Kryeministri, sipas kalendarit të paraqitur nga NQV-të, në përputhje në pikën 3, të këtij vendimi.

5. Në tabelën nr. 1, që i bashkëlidhë vendimit nr. 11, datë 25.2.2015, të Komitetit për Zhvillimin e Rajoneve, bëhen ndryshime, sipas tabelës 2, bashkëlidhur këtij vendimi.

6. Ngarkohen ministri i Arsimit dhe Sportit, ministri i Financave dhe Sekretariati i Përgjithshëm i Komitetit për Zhvillimin e Rajoneve, në Kryeministri, për zbatimin e këtij vendimi.

Ky vendim hyn në fuqi pas botimit në Fletoren Zyrtare.

KRYETAR
Edi Rama

Zëvendëskryeministri	zëvendëskryetar;
Ministri i Financave	anëtar;
Ministri i Zhvillimit Ekonomik, Tregtisë dhe Sipërmarrjes	anëtar;
Ministri i Zhvillimit Urban dhe Turizmit	anëtar;
Ministri i Transportit dhe Infrastrukturës	anëtar;
Ministri i Arsimit dhe Sportit	anëtar;
Ministri i Shëndetësisë	anëtar;
Ministri i Bujqësisë, Zhvillimit Rural dhe Administrimit të Ujërave	anëtar;
Ministri i Kulturës	anëtar;
Ministri i Mjedisit	anëtar;
Ministri i Punëve të Brendshme	anëtar;
Ministri i Shtetit për Inovacionin dhe Administratën Publike	anëtar;
Ministri i Shtetit për Çështjet Vendore	anëtar;
Kryetari i Shoqatës së Bashkive të Shqipërisë	anëtar;
Kryetari i Shoqatës së Komunave të Shqipërisë	anëtar;
Kryetari i Shoqatës së Qarqeve të Shqipërisë	anëtar;
Kryetari i Shoqatës për Autonomi Vendore	anëtar.

Tabela 1. Lista e projekteve të reja për financim, programi i arsimit, FZHR 2015

Nr.	Autoriteti kontraktues	Emërtimi i projektit	Vlera e plotë e projektit (lekë)	Vlera e financimit për vitin 2015 (në lekë)	Vlera e financimit për vitin 2016 (në lekë)
	QARKU VLORE				
1	Bashkia Sarandë	EKO Kampus Saranda	347,771,215	34,777,122	312,994,094
	QARKU TIRANË				
2	Bashkia Tiranë	Rikualifikim i terrenit sportiv në shkollën "Petro Nini Luarasi"	25,000,000	10,000,000	15,000,000
3	Bashkia Tiranë	Liceu artistik "Jordan Misja"	84,746,629	10,000,000	74,746,629
	QARKU Durrës				
4	Bashkia Durrës	Ndërtimi i shkollës "Bajram Curri"	119,376,062	30,000,000	89,376,062
		TOTALI	576,893,906	84,777,122	492,116,785

Shënim. 1. "Vlera e plotë e projektit" përfaqëson vlerën brenda së cilës caktohet fondi limit për prokurimin e zbatimit të punimeve (kur nuk ka financim tjetër nga autoriteti kontraktues). Vlera e plotë e projektit përcillet nga sekretariati teknik (Ministria e Arsimit dhe Sportit).

2. "Vlera e financimit për vitin 2015" tregon vlerën e financimit që vihet në dispozicion nga buxheti i Fondit për Zhvillimin e Rajoneve për vitin 2015.

3. Diferenca financimit të vlerës së plotë (mbas prokurimit) me vlerën e financimit për vitin 2015 do të financohet nga FZHR-ja për vitin 2016.

4. Me propozim të ministrit të Ministrisë së Arsimit dhe Sportit, fondi i Programit të Arsimit, pjesë e Fondit për Zhvillimin e Rajoneve për vitin 2015, për financimin e zbatimit të investimeve të vetë ministrisë, reduktohet në vlerën 55,026,461 lekë.

Tabela 2. Ndryshim në tabelën 1, që i bashkëlidhë vendimit nr. 11, datë 25.2.2015

Projektit nr. 2, në tabelën nr. 1 të vendimit, i shfuqizohet financimi*.

Projektit nr. 16, në tabelën nr. 1 të vendimit, i shfuqizohet financimi*.

Tabelës nr. 1 të vendimit, i ndryshojnë totalët e vlerës së plotë të projektit, dhe të vlerave të financimit për vitet 2015 dhe 2016, si më poshtë vijojnë:

Nr.	Autoriteti kontraktues	Titulli i projektit	Vlera e plotë e projektit (në lekë)	Vlera e financimit për vitin 2015 (në lekë)	Vlera e financimit për vitin 2016 (në lekë)
TOTALI			498,681,439	250,878,092	247,803,346

*Shënim: Projektit “Ndërtimi i shkollës Jusuf Puka”, Bashkia Durrës (nr. 2), dhe Projektit “Ndërtimi i një shkolle të re 9-vjeçare, Bashkia Sarandë (projekti i Bankës Botërore) (nr. 16), për arsye të moszbatimit të projektit, i shfuqizohet financimi. Kjo vlerë financimi rialokohet në portofolin e programit “Arsimi”. Autoritetet kontraktuese, respektive, nuk mund të vijojnë procedurat për këtë projekt.